

मार्निंग डोगरी न्यूज़ बुलेटिन, समें. 09.20 Hrs

<><><><><><>

### Headlines

- वेक्स शिखर सम्मेलन दे इक हिस्से दे रूप च भारत अज्ज मुंबईच ग्लोबल मीडिया डायलॉग दी मेजबानी करोग। एहदे च 60 शा मते मुल्ले दे हिस्सा लैने दी मेद ऐ।
- जम्मू-कश्मीर ते लद्दाख हाईकोर्ट दे मुख न्याऽधीश होरें द'उं नमें नियुक्त जजें गी कल औहद्वे दी संगंध चुकाई।
- उपमुखमंत्री सुरिंदर चौधरी होरें चौकियां ते कलसियां पंचैते च आम लोकें तोहड़ी पुज्ज बनाने आहले सार्वजनिक आउटरीच कैंपें दा आयोजन कीता।
- पाकिस्तानी बलें जंदी उप्परोतली 8मीं रातीं बी जम्मू-कश्मीर च कब्जा रेखा पर बिजन भड़कावे दे गोलीबारी कीती जेहदा भारती बलें बनकदा परता दिता।
- मुख सचिव अटल डुल्लु होरें आखेआ ऐ जे शकैते दा तसल्लीबख्श ते बेल्ले सिर नबेडा, असरदार ते दक्ष प्रशासन दी कुंजी ऐ।

<><><><><><>

### PM-Waves

सब्भनें शा पैहले खबर वेक्स शिखर सम्मेलन दी।

मुंबई दे जियो वर्ल्ड कन्वेंशन सेंटर च वेक्स शिखर सम्मेलन दे इक हिस्से दे रूप च भारत अज्ज पैहली बारी ग्लोबल मीडिया डायलॉग दी मेजबानी करोग। वैश्विक मीडिया ते मनोरंजन दे लेहाज कन्नै भारत दे जुड़ाव दी नजरी कन्नै एह बड़ा मता महत्वपूर्ण आयोजन ऐ। एहदे शा पैहले प्रधानमंत्री नरेंद्र मोदी होरें कल च'उं दिनें दे सम्मेलन दा उद्घाटन कीता।

सूचना ते प्रसारण मंत्रालय आसेआ ग्लोबल मीडिया डायलॉग दा आयोजन विदेश मंत्रालय दे सैहयोग कन्नै कीता जा'रदा ऐ। एहदे च एशिया, यूरोप, अफ्रीका ते अमरीका दे प्रतिनिधिमंडलें सने 60 शा मते मुल्खें दे हिस्सा लैने दी मेद ऐ। संवाद दा मकसद अंतर्राष्ट्री सैहयोग गी प्रोत्साहन देने दे कन्नो-कन्नी सब्भनें शा बधिया प्रथाएं गी बढ़ावा देना ते प्रतिभाएं दे इक-दुए दे इलाकें च कम्म करने दे मौकें ते समर्थ निर्माण दे उपास तलाशना बी ऐ।

<><><><><><>

## Oath

जम्मू-कश्मीर ते लद्दाख हाई कोर्ट दे मुख न्याधीश जस्टिस अरूण पल्ली होरें कल 2 नमें नियुक्त कीते गेदे जज जस्टिस संजय परिहार ते जस्टिस शहजाद अजीम होरें'गी जम्मू-कश्मीर ते लद्दाख हाई कोर्ट दे जजें दे रूपै च सगंध चुकाई। शपथ ग्रहण समारोह जम्मू च मुख न्याधीश हुंदे कोर्ट रूम च लोआया गेआ। इनें 2 नमें जजें दी नियुक्ति कन्नै जम्मू-कश्मीर ते लद्दाख हाई कोर्ट च इसलै कम्म करा'रदे जजें दी गिनतरी कुल 15 होई गेई ऐ जेदे च मुख न्याधीश बी शामिल न।

<><><><><><>

## Dy CM

सरकार दी जमीनी सतह तगर पुज्ज बनाने ते जवाबदेह प्रशासन दी बचनबद्धता यकीनी करने दे इक हिस्से दे तौरा पर उपमुखमंत्री सुरिंद्र चौधरी हारें कल राजौरी जिले च नौशहरा दी पंचैत चौकियां ते कलसियां च लोकें तगर पुज्ज बनाने सरबंधी आउटरीच कैंप लोआया।

गल्लबात दौरान उत्थूं दे मकामी लोके उपमुखमंत्री हुं दे अग्गे अपनी जरूरतें गी रक्खेआ जिंदे च शिड़के पर लुक्क पाने, सरकारी संस्थानें च अमले दी कमी, सेहत सरबंधी पांचे, पानी दी कमी ते पंचैत चौकियां च इक प्राइमरी हेल्थ सेंटर दा निर्माण वगैरा शामिल हा। डिप्टी सी.एम हों उनेंगी भरोसा दोआया जे उंदी जायज मंगें पर समेबद्द तरीके कन्नै गौर कीता जाग। इस मौके पर उपमुखमंत्री हों योग्य लाभार्थियें गी लेबर कार्ड बी तकसीम कीते। इस मौके पर बोलदे होई उनें आखेआ।

<><><><><><>

### Satish-Workers

शिड़क यातायात मंत्री सतीश शर्मा हों मुख्य भरे दे मजदूरें गी श्रम दिवस दे मौके पर शुभकामनां दितियां ते भारत दी तरक्की च उन्दे अनमूल्लू योगदान गी चेता कीता। जम्मू च इस मौके पर आयोजित इक कार्यक्रम च बोलदे होई मंत्री हों इस ध्याड़े दी महत्ता गी उजागर कीता। उनें सब्बनें मजदूरें लेई कम्म करने लेई साजगार माहौल, मुनासब तन्खाह ते समाजी सुरक्षा यकीनी बनाने लेई सरकार दी बचनबद्धता गी फी पक्का कीता। इस मौके पर उनें मजदूरें दी भलाई-बेहतरी लेई कौशल विकास गी बढ़ावा देने ते रोजगार दे मौके उपलब्ध करोआने दे मकसद कन्नै सरकार आसेआ चलाई जा'रदी बक्ख-बक्ख योजनाएं ते पहलकदमिं गी बी उजागर कीता। इस मौके पर बोलदे होई मंत्री सतीश शर्मा हों आखेआ।

<><><><><><>

## Ramban-Labour Day

अंतरराष्ट्रीय श्रम दिवस के मौके पर कल रामबन के श्रम के रोजगार मैहकमे नै कई जागरूकता कार्यक्रमें दा आयोजन कीता ते मजदूरें के हक के हितें दी राखी बारे तफसीली गल्लबात कीती गई। कार्यक्रम च मजदूरें, मैहकमें के अधिकारियें के लोकें हिस्सा लैता। इस मौके पर रामबन के मुख योजना अधिकारी डा. शकीब अहमद हों मुख परौहने के तौर पर शिरकत कीती ते प्रतिभागियें खास करिये पालीटेक्निक के आई.टी.आई रामबन के सखेत्रुएं गी केंद्र आसेआ प्रायोजित स्कीमें तैहत उपलब्ध मौकें शा लाह ठोआने लेई उंदा दिल बदाया। इस मौके पर आकाशवाणी समाचार कन्ने गल्ल करदे होई इक मजदूरै आखेआ।

<><><><><><>

## LoC-Firing

पाकिस्तानी बलें जंदी उप्परोतली 8मीं रातीं बी जम्मू-कश्मीर च कब्जा रेखा पर बिजन भड़कावे के गोलीबारी कीती। रक्षा सूत्रें मूजब पाकिस्तान आसेआ लौहके थेहारें कन्ने कीती गेदी गोलीबारी दा भारती बलें असरदार ऽंग्गै'नै परता दिता। हासल जानकारी मूजब पाकिस्तानी बलें कुपवाड़ा, बारामूला, पुंछ, नौशैहा ते अखनूर सैक्टरें च कब्जा रेखा के इस पार आहले इलाकें पर लौहके थेआरें कन्ने बिजन इश्तेयाल के गोलीबारी कीती। सौहगे भारती जवानें इस गोलीबारी दा बनकदा परता दिता।

<><><><><><>

## CS-JK Samadhan

मुख्य सचिव अटल डुल्लू होरें लोकें दी शकैतें दा नबेड़ा करने सरबंधी इक बैठक लाई। उनें जे.के समाधान पोर्टल 2.0 तैहत हासल शकैतें दा नबेड़ा करने लेई सरकारी मैहकमें ते जिला प्रशासनें आसेआ कीती गेदी कार्रवाइयें दा जायजा लैता। बैठक च मुख्य सचिव होरें इस गल्लै पर जोर देइयै आखेआ जे कुसै बी शकैत दे नबेड़े सरबंधी प्रणाली दी कामयाबी छड़ा शकैतें दे पंजीकरण पर निर्भर नेई करदी। सगुआं इनें शकैतें दे तसलीबक्श ते समेंबद्द तरीके कन्नै नबेड़े पर निर्भर करदी ऐ। उनें आखेआ जे शकैतें दा समेंसिर नबेड़ा गै लोकें दी प्रशासन प्रति भरोसे दी मुख्य कुंजी ऐ। बैठक च एहू बी दस्सेआ गेआ जे पोर्टल पर हूनै तगर 13 लक्ख शा मते पंजीकरण कीते गेन।

<><><><><><>

## Machail-Yatra

इस बरे दी श्री मचेल माता जी दी जातरा 2025 दे प्रबंधें दा जायजा करने लेई किशतवाड़ दे डिप्टी कश्मिनर राजेश कुमार शवन होरें इक समीक्षा बैठक दी अध्यक्षता कीती। बैठक दौरान डी.सी होरें श्रद्धालुएं लेई स्हूलतां उपलब्ध करोआने सरबंधी इसलै जारी ांचागत परियोजनाएं दा जायजा लैता जेदे च यात्री भवन गी जून म्हीने दे पैहले हफते तगर मुकम्मल करना, स्वच्छता परिसरें दी मरम्मत ते भवन दे आले-दोआले आहले इलाके दा विकास शामिल ऐ।

एहदे अलावा जातरा दौरान पानी ते बिजली दी विजन कुसै रूकावट दे सप्लाई यकीनी बनाने पर बी ध्यान केंद्रित कीता गोआ। मुख करी ध्यान श्रद्धालुएं दे रौहने-बोहने लेई थाहर, सुरक्षा सरबंधी तैयारी, गुलाबगढ़ थमां मचेल तगर शिड़क राबता ते संपर्क सुविधा गी निग्गर बनाने पर दिता गोआ।

<><><><><><>

### SSP-Kishtwar

किश्तवाड़ दे एसएसपी नरेश सिंह होरें जिले च इसलै कम्म करा रदे बक्ख-बक्ख बैंकें दी मौजूदा सुरक्षा स्थिति दी समीक्षा करने लेई बैंक मैनेजरें कन्नै बैठक लाई। बैठक दौरान बैंकें दी सुरक्षा सरबंधी मसलें बारे तफसीली विचार-विमर्श कीता गोआ जेदे च सी.सी.टी.वी कैमरे राहें निगरानी, अलार्म सिस्टम दा इस्तेमाल, प्राइवेट सिक्योरिटी गार्डें दी तैनाती ते आपदा आहली स्थिति च नेड़मा तालमेल वगैरा शामिल हा। एसएसपी किश्तवाड़ होरें सुरक्षा सरबंधी नियमें दी पालमा ते मकामी पुलसै कन्नै तालमेल बनाने पर जोर दिता। एहदे अलावा एसएसपी होरें किश्तवाड़ पुलस आसेआ पूरा-पूरा समर्थन देने दा भरोसा दोआया तां जे बैंक इदारें ते उपभोक्ताएं लेई सुरक्षित माहौल यकीनी बनाया जाई सकै।

<><><><><><>

### Weather

जंदी रातीं गरज-चमक कन्नै होई दी बरखा नै जम्मूवासियें गी पिच्छले केइएं दिनें थमां जारी जबरदस्त गर्मी थमां राहत थोई ऐ।

जम्मु ते एहदे आले-दोआले दे इलाकें च जंदी रातीं अंधी-झक्खड़ दे कन्नै दरम्याने दर्जे दी बरखा बरने करी मौसम सुहामा होई गेदा ऐ। मौसम विभाग नै पैहली मई थमां लेइयै 5 मई तगर प्रदेश दे केई हिस्सें च हौली बरखा, अंधी-झक्खड़ ते गरज-चमक कन्नै बरखा बरने दी संभावना दस्सी दी ऐ। मौसम विभाग मूजब, 6 थमां 8 मई तगर, खिते च मौसम आमतौर उपपर खुश्क रौहग ते दिनै दा तापमान बी सामान्य कोला मता रेई सकदा ऐ।

<><><><><><>